



Avatqumayuq 40,000 nattiit anguyauyut attauhiqmi ukiumi Nunavunmi. Himatikhaq niqit akiit nattiit niqait naamavyaktuq \$5 miliataala. Nattiit amiit ilaliutihimayut \$1 miliataala haffumunga titirauyaqnikkut uvalu hananikkut havakviit.

Iqalukhiuqtut

Nunavunmi havaktut nanminikkut nataangnaknik, kinguit uvalu iqalikpiit iqalukhiutut tapkua tunihiyut nunaquyuumun niuvaaviknun aalakiinik hunanik. Hinaani hinaaniilgumi nataangnaknik iqalukhiuqtut anginiqhaq havaaq uvani Qikiqtaalukmi.

Nataangnait, Nunavunmi piqaqtuq hinailgumi kiklikhanik avatqumayuq 11,943 metric tonnes uqumaitilaanga, kitut pidjutauyut akia naamavyaktuq \$77 miliataala uvani 2016mi. Talvani ukiumi, 10,265 metric tonnes uqumaitilaanga iqaluktait, pidjutigiblugit \$67 miliataalamik manikmik. Ilanganik nanminikkut iqalukhiuqtut qiniqhiayauhimaituq, iqalukhiuqtut tunihiyut akhuuqnaqtumik uvalu angiklivaliayuq tunihiyut uvunga nunavunmun maniliuqniqmun.

Aquinikkut

Aalangayuq Inuit pitqulia uvalu piniqtuq Nunavunmi aulahimaaqtuq aquiyunun hamanga avatiini nunaquyup. Itquqniaqtauyut 14,000 inuit pulaaqtut Nunavunmun ukiumi. Qanuginiit aquiyyut hulilukaagutait ilauyut aquihiyayunun, ulapqidjutit anguniaqniq, iqalukhiuqniq, pitquhikkut, aulaaqniq uvalu ilihaqnikkut hulidjutit.

Nunavunmi hitamat minguihiqviit uvalu 15 aviktuqhimayuni minguihiqviit aipaa piyakhat pulaaqtunun pulaaqtut aviktuqhimayumi piniqtuq. Nunavunmi minguihiqviit ilauyut ingituqliit uvalu angiyut aquiyyut tauktukhimaqtut. Umiaquyatlu aquiqataliqtut Nunavunmi nunallaanun ukiuni, tunihiyut akhuuqnaqtumik maniliugutmik amigaitunun inungnun niuvaayut hanaukanik miqhaniklu.

Inuit hanahimayait

Havaknnit inuit hanauyautait aulahimaaqtut akhuuqnaqtumik pidjutauyut uvani maniliuqniqmi amigaitut Nunavunmi nunallaani. Havakviit ihivgiugutait ilitugiyait hanauyaqnikkut uvalu miqhuqnikkut havakviit tunihiyut itquqniaqhugu #33 miliataak haffumunga nunavunmun maniliuqniqmik. Amigaitut hulidjutit hanauyaqnikkut pidjutauyut nunaquyumi ilitagiyaublutik. Taimaali amigaitut Kanatami ilitugihimayait hanaukkat uvalu titirauyaqhimayut nunallaanin hamanga Kinngainin uvalu Qamanittuaqminlu, nunaquyumin ilitagiyaqhimayut mighuqhimayut uvalu nuvigaqhimayut havaktauyut hamani Pangnirtuumi.

Nunauyami hanauyut atiliugutigiyait inmingnun qungiani, tuhaqtidjutini uvalu nutaani tuhaqtidjutini, nunaquyumi nakuuymik qungiat una “Atanarjuat – The Fast Runner” ilitugidjutauyut ayuittait Nunavunmi inuit qungialiutut, uvalu qungiaquminaqtuq nuna Nunavunmi qungialiuvik qungialiuvniqmik.